

نورك پوردي

نورك اومباقلرى مركزى هيئتى طرفندە نشر اولغور.

جلد ۲

مايس ۱۳۴۱

نومرو ۸

بر آیلو نثریات

کتابلر — مفیده فرید خام « پروانهلر » سرلوحه‌لی اثریله استانبول حیاتنک شایان دقت برکوشه‌سی آجدی. بوشهرک بیلیم هانکی تپه‌سنده بر « بعل معبدی » وارمیش. افسانه‌یی بیلورسکنز: بعل قدیم بر معبودک اسمیدر. بو معبود ایکیده بر تازه قانلره سوساردی و بونک معبدی اشیکنده آنالر کنج یاورولری قربان ایدردی. مفیده فرید خام ایچین استانبولده کی آمریقان قیز « قوله‌چ » یدیه بویه کنج تورک یاورولرینک - قورقاییکیز ماده دکل - معنای قربان ایدیلدیکی بریردر. بیلیم، یوروماتنک انتشاردن سوکره مملکتده ایکنجی بر ایکنه‌لی فیچی خرافه‌سی ده‌ایچاقوب داغیله جفیدر؟ بر زمانلر، بلکه حالا شیمدی، یهودیلر حقنده آغزدن آغزه دولاشان بوقورقونچ ماصال یوزندن معهود قومک نه قدر ضرر کوردیکی معلوم دکلدیر. فقط، قونستاننویل قوله‌چ - وای آغزیمزدن قاجیردق - « بیزانس قوله‌چ » تروستجیلری ایچین بویه برافشا و اتهامک نتایجی پک‌ده خوش اولماسه کرکدر. چونکه بونلر، سنه‌لردن بری، روحلر و قافالر عالمده واسع براستمار عملیه‌سی یاپان بر طاقم تربیه بازراکاتلریدر و ایستراسته‌من کارلرینه سکت ویره بیلجک بو اثری مشوم بر حادته اوله‌رق تللی ایده جکلردر.

انسان، مفیده فرید خامک « پروانهلر » یی اوقورکن ملی حیاتیزی بودرجه یاقیتدن و ایچیندن کیرن بر مؤسسه‌نک سنه‌لردن بری یوروغمزک دیننده راحت ایشله‌من اولیشندن و ایشله‌مکده بولیشندن عجائب بر حجاب و درین بر آلم دو یورور. خصوصیه شیمدی‌یه قدر هیچ بریمزک بوندن بحته لزوم کورمه‌یشی، حتی ایچیمزدن بر چوقلرینک بونی فائده‌لی و لازم برشی کبی تللی ایدیشی، ملی وجدان نقطه نظرندن بویوک بر ضالندر. سابونه، اونه و قوندورابه کرک قویان بر ملتک معنوی ادخالات ساحه‌سنده بودرجه آجیق قای طرفداری اولیشنه بیلیم که نه اسم ویرملی؟ بوتون بو حسلر و اندیشه‌لر مفیده خامک روماتی اوقودقدن سوکره قلبه و فکره بر چبوی کبی صایلانور.

فقط بواجتماعی و تربیوی مسئله‌یی اورتیه‌آتقی ایچین بر رومان یازمغه نه لزوم واردی؟ قورقوروزکه، بومهم مسئله‌نک بزه بر رومان چرچیومسی ایچیندن کورونوشی، اونی اهمیتدن دوشورمه‌سین. زیرا، بر رومان - کیم نه‌دیرسه دیسین - آنجق ماصالک متکامل برشکلیدر و بونده بزی هلاقه‌دار ایدن شی دوغریدن دوغری‌یه وقعه‌در؛ آنترپقه‌در، شخصلر و تیللردر؛ موضوع ایکنجی درجه‌ده قالیر، هله بو موضوع برده (تهز) ماهیتی حائزه بزی بوسبوتون لاقید براقیر. عکس تقدیرده - یعنی تهز کندیشنی حکایه‌دن زیاده حسن ایندیردیکی وقتده - رومان ادبی قیمتندن بویوک بر قسجی قایب ایدر؛ بوتون اشخاص بر فکرک

اشارتی حاله کیر ، وقعه حیاته موجود اولان طبیی تسلسلدن محروم قالیر و نتیجه جبری بر حاله کیر . اونک ایچیندرکه ، مفیده خانم افندی « پروانه لری » محررک ادعاسنی اثبات ایچین بعلک آتشنده هب برر برر یانغه مجبور اولشلردر . بونلرک هیج بری اراده لریته صاحب دکلدرد . مفیده خانمک انده اویناتیلان برر قوقله کییدر .
لکن محترم محرر بزه دییه بیلیرکه ، « رومانمک قهرمانلری برر قوقله حاله سوقان بن دکلم ؟ اونلری بوحاله سوقان « انسان فابریقه سی ، نامنی ویردیکم معهود مؤسسه در . فابریقه دن چیقمش بر انسانک اراده سی ، شخصییتی اولورمی ؟ »

شوالده مفیده فرید خانم افندی به بزه بوقوقله لک حکایه سنی آکلامق زحمتی اختیار ایتدیکی ایچین آجیالی بز ، زیرا بررومانجی هرشیدن اول بر احتراصات رسامیدر و احتراص سز کیمسه لرله اوغراشمق اونک ایچین جان سیقیجی برکافت اولق لازم کلیر .
مفیده فرید خانم ، بوجان سیقنتیسی حس ایتش و اشخاصندن بر قاچنه بعض المیر ، عذابلر و هیجانلر اعاره ایتک اضطرارنده قالمشدر . بونلردن بری مولوی شیخنک فیزی سمیه درکه ، رومانمک صوک صیفه لریته دوغری بزه عادتاً علوی بر اضطراب لوحه سی عرض ایتک قدرته واصل اولیور . دیگرى نسبة دهها صولوق برسیما اولان دو قوتور برهاندرد . بوده باشلی باشنه دیگر بر « تهز » ی تمثیل ایدیور . دو قوتور برهان ، کندی ملتزدن ، کندی قانعزدن اولمایان قادیلرله وقوع بولان ازدواجلریمک ائیم نتیجه لریخی کوسترر بدبخت بر قوجه ، بدبخت بر بابا تیپیدر . لکن دو قوتور برهان ، بویله ده اولمایه . بیلردی . زیرا ، بوکی ازدواجلرک بزى مطلقاً بدبخت قیله جفته دائر المزده ثابت و عمومی بر وثیقه یوقدر .

مفیده فرید خانمک « پروانه لری » ی حقنده بوقیصه و سرعتی خلاصه بی یابدقندن صوکره کندیسندن ، اسلوبندن ، ادبی شخصیتندن آیریمجه اوزون اوزادی به بحث ایتک ایستردم . فقط « آی دمیر » مؤلفی تورک ادبیات عالمی ایچین یکی برسیما دکلدرد و صوک اون سنه لک دور ظرفنده یتیشن اسلک اوک صهنده دوران شایان دقت بر رومانجیدر . اسلوبنه کمنجه ؛ بونک هر تورلو ستایشه لایق اولدیغنی سوبله مک ایسترم . بونکونکی کونده ساده و کوزل تورکجه نهایت دوت بش قلم صاحبک انحصارینه کچمش نادر بر غنیمتدر . مفیده خانم بوغنیستدن بر تصنیفه کمال امنیتله تصاحب ایتش کورونیور . بر قسمنه دییورم . بونی ایضاح ایتهم لازمدر . بعض کیمسه لر ، لسانده ، خاصه تورکجه ده صنمی ، فقط مصرعی ، بر تصنیف یامشلردر . بو تصنیفه کوره لسانک بری شکلی ، دیگرى درونی ایکی قیمتی اولدیغنی قبول ایتک لازم کلیر . ایشته ، مفیده خانمک کمال امنیتله تصاحب ایتدیکنی سوبله مک ایسته دیکم قسم ، برنجی قیمتدر . اگر فکر منی بر تشبیه ایله افاده ایتک لازم کلیرسه ، دییه بیلیرکه ، مفیده فرید خانم بر بسته کار دکل بر « ویرتیوز » در . فقط برنجی درجه ده بر « ویرتیوز » در .